

秋祥清淨道炁無不寧也地官奉書百靈敬  
畏神朱寫文服佩明驗施之於至學不宣於  
下俗也

太極真人頌

神雲煥層虛梵羅也碧霄元始九龍駕

皇人棲青輅靈光集萬真珠景開陽寥天

出示靈寶篇福德由是招洞玄隱高嚴天

玉音泛雲璈无量匪得思道海生波濤

法義同消流滋植成嘉苗用以拯饑窮

教興衛中朝帝尊壽億年太平滅兵力

稽首望玉宸靈華散金臺

元始无量度人上品妙經卷之一

靈寶无量度人上品妙經卷之二 天二

玉宸大道品

道言昔於始青天中大洋黎土受元始度人

无量上品元始天尊初降清微示現珠瑞納

無鞅衆天真大神上聖高尊妙行真人俱入

珠中以无量度人靈寶上品之法衆真監度

以授於我當此之時喜慶難言法事粗悉諸

天復位即於開皇五劫之初玄龍昇度天關

之時再降太丹流耀之天洞陽凝暉玉玄赤

境度人萬億以玉宸大道付授於我元始天

尊當說是經周迴十過以名十方始當詣座

天真大神上聖高尊妙行真人玉宸大道元

師仙君太極帝真飛華九靈禹餘天帝紫霞

丈人無鞅數衆乘空而來玉虛流煙三景煥

彩碧輪寶輿羽輅絳蓋神錦鳳羅玄明蔭凡

洞空合回神晶交炳九氣揚霞三房旋耀天

廓地寧碧落凝真氣靈散景迴風混合帝一

監生圓羅灌氣飛動八門日珠含秀月壁法

波靈網鬱霽徧周化境元始天尊玄坐空浮

玉文寶臺之上說經一徧玉晨大聖同時稱

善是時一國男女徹聽十方無有滯礙說經

二徧周視无極徹然洞觀說經三徧語音清

妙化度方來說經四徧一神應萬萬神合真

說經五徧三界種民念往即至神行無迹說

經六徧指按二儀條忽周徧說經七徧永斷

生滅億劫長存說經八徧道海呈祥玄山發

瑞說經九徧形鍊為氣氣鍊為神說經十徧

自然至真玉宸證道十方三界俱獲超升是

時一國是男是女莫不同心無有彼此咸得

長生

道言是時元始天尊說經一徧東方玉宸大

道自然大神無鞅之衆浮空而至說經二徧

南方玉宸大道自然大神無鞅之衆浮空而

至說經三徧西方玉宸大道自然大神無鞅

之衆浮空而至說經四徧北方玉宸大道自

然大神無鞅之衆浮空而至說經五徧東北

玉宸大道自然大神無鞅之衆浮空而至說

經六徧東南玉宸大道自然大神無鞅之衆

浮空而至說經七徧西南玉宸大道自然大

神無鞅之衆浮空而至說經八徧西北玉宸

大道自然大神無缺之衆淨空而至說經九  
編上方玉宸大道自然大神無缺之衆淨空  
而至說經十編下方玉宸大道自然大神無  
缺之衆淨空而至十編周竟十方無極天真  
自然大神一時同至一國男女同心歸仰來  
者有如屯雲積霧不可稱計周徧一國四合  
浮虛非可禁止於是元始攝指飛光微如炯  
星輝耀九色亭立空玄照徹上下去上十仞  
洞表見裏此十方境究同琉璃混然一色元  
始安座光暉普極觀此國土如鏡中像天人  
衣裾男女形相絲髮皎露大虛空中無有纖  
隔玉宸大道自然大神與諸上聖無量高尊  
妙行真人十方化氣道品大神俱從一光徧  
攝法體十百千萬密如層轂回光返射容像  
互映明透分別了不雜亂其國天人來應證  
者仰看神光風馳雲繞萬聖咸在太虛空中  
觀妙寂然無體元始即於道光之內說此玉  
宸大道度人之法周竟衆真監度以授於我  
當此之時喜慶難言法事既畢諸天復位頃  
刻之間寂無遺響是時天人過值大範普獲

昇度長生永存神變氣專同而無分傾土歸  
仰以道為心無念無為無思無營無覺無識  
無滅無生無起無住無已無名言合至妙神  
飛紫清齊同慈愛真骨成親國安民豐欣樂  
太平玉宸大道无量度人欽信悟解得道成

真

道言元始天尊說經中所言蓋是玉宸大道  
上帝內名隱韻之音亦是高真玉清神王內  
諱百靈之隱名也非世上之常辭上聖已成  
真人通玄究微能悉其章誦之十過萬天敬  
禮千帝伏聽玉京運搖海澄嶽峙三景合照  
七曜齊明魔魂滅種鬼孽絕邪氣肅清三  
元廓靜攝形白骨返生還神至學之士誦之  
十過則五老監盟四帥下觀三官錄功八史  
外管魔王受事萬神禮廷濟天度厄死而更  
生所以爾者學士心依玉宸氣合道真威制  
六天無幽不聞粉制三界格真致靈但知玉  
宸不必流丹誦誦洞文道氣入身目觀三元  
太上道君無極无形輕誦此經風刀考身刺  
名鄧山玄老呼名供養尊禮道備德興業業

真仙壽命億齡萬災不干神明護門斯經專  
妙獨步玉京度人无量為萬道之宗純純大  
梵德難可勝

道言凡誦是經十過九帝降幡諸天遙唱億  
曹萬祖幽魂苦爽皆即受度上登玉宸同與  
九帝上奔太霄為帝之賓至學之士修誦是  
經功滿德就皆得神仙飛昇金闕成道玉宸  
也上學之士修誦是經皆受護度飛昇南宮  
炎火之陵世人受誦則延壽長年多骨變形  
得悟元皇大道自居真神長存氣與道同去  
濁流清清為神精氣合靈津不經地獄太陰  
鍊形三官衛尸太一養魂遊行虛空出入八  
門此經微妙普度天人已生未生皆得受度  
无量之福生死蒙惠上天所實不傳下世至  
士齋金寶效心盟天而傳輕泄大道殃連祖  
考役使河源捷放鬼域受報北都侍經九老  
日中靈童大道玉女各三十六人扶翊真人  
保護受經者身  
道言正月長齋誦誦是經者華帝君九光真  
人為子書名上拔祖考億世之靈上登玉宸

七月長齋誦詠是經錄氣成神神歸禹餘大  
道洪元鍊子神形身得仙真記名寶書妙合  
天地永劫無傾十月長齋誦詠是經為帝主  
人王溥天之民君臣父子育物如天好生如  
春福及萬方境域常寧宗緒昌行永保長生

永鎮天下康樂升平八節之日誦詠是經九  
陽梵炁俱來入身純陽變體神氣永存本命  
之日誦詠是經玉宸降房大道休明魂魄潔  
潔六氣內榮不罹世患卻災辟兵六天閉邪  
三景挾昇萬道開通帝官奉迎刻名太微位  
登仙卿功滿德就飛昇上清

道言行道之日皆當香湯沐浴齋戒入室  
東向叩齒三十六通上關三十六天心拜  
三十六過閉目靜思身坐青紫絳三色雲  
氣之中內外翳冥有青龍白虎朱雀玄武  
獅子白鶴羅列左右日月照明洞煥室內  
項生圓象光映十方如此分明密呪曰  
无上玄元太上道君名出臣身中三五功曹  
左右官使者侍香玉童傳言玉女五帝直符  
直日香官各三十六人闡啓所言今日吉慶

長齋清堂修行至經无量度人願所啓上微  
徑御

无上三十二天元始上帝至尊几前  
引炁三十二過東向誦經

元始无量度人上品妙經

元始洞玄靈寶本章玉宸大道十合度人玄  
真帝書隱顯自然玉宸之真眇眇上清若顯  
若晦若亡若存湛然虛寂交結紛紛其道至  
妙靈化所聞洞耀九元橫帶七宸左扶豁落  
右掖金真紫霄流響赤光橫奔纏繞其章大  
道生根伏於玉京蕭羅之臺下蟠淨霞雙池  
之源躡出二宮日月之門擲火萬丈掃蕩秋  
氛洞陽丹華朱煙八遠灌鍊神窻崑崙虛  
爛景喻霞玉神羅英嘒御長樓玉華散開神  
融骨化萬氣昭諧玉宸入玄道氣成身煥爛  
恍惚混極命仙道以生神氣以成形明以衛  
真化以敷榮無往不至所作立成太微鍊精  
幽靡沈冥碧虛赤境大道元京上浮雲庭玄  
闕高清禹餘化氣周回十方中有露落北台

之神中有赤精九和之君中有泥九天蓋真  
人中有金闕輔皇上帝之卿中有上清三境  
之尊中有長生變仙之靈中有雙童流光赤  
文結珠自然玉宸金真人太霞明堂少精  
綠軒圓規大有太一名仙降福度生天化綿

綿今日御景萬帝臨軒

東方无極自然神王玉宸大道无量度人  
南方无極自然神王玉宸大道无量度人  
西方无極自然神王玉宸大道无量度人  
北方无極自然神王玉宸大道无量度人  
東北无極自然神王玉宸大道无量度人  
東南无極自然神王玉宸大道无量度人  
西南无極自然神王玉宸大道无量度人  
西北无極自然神王玉宸大道无量度人  
上方无極自然神王玉宸大道无量度人  
下方无極自然神王玉宸大道无量度人  
十方至真自然神王長生飛景玉宸大道无  
量大神並乘神光九陽之輿碧霄金根朱鸞  
之輦金象萬變之鼓清靈洞光之蓋赤幢蔽  
日瑤輪碾空各駕玄晶神狩黑甲青龍覆天

辟非變化無窮附須延之激擊太宵之鼓紫  
 煙素雲隱現萬靈天駒仗橋大帥法程風火  
 合發神霞散明垂祥降禧得空自來揚音凌  
 虛伏魔護生上清司馬高靈總真至宸帝司  
 大道之神度人應仙長生大君佩籙執符齊  
 到帝庭上極九空神蓋之宮泥丸之分三素  
 流晶玄丹太寧中黃紫微上真之靈普告三  
 元紫戶青房煙羅雲營玉堂紫嬰伯華之神  
 化骨之英雙童流鈴金真玉光二景大神左  
 轉豁落右電火鈴急催三五上清吏兵丹紋  
 紫絡繞下天經顧盼飛光吸納玉城下極幽  
 泉河濱溟冷曲折之理黑水內停玉女轉機  
 金童絞繩上世玄祖考罰休停玉宸道杰連  
 檢號名罪籍削解業道無紫不得拘留上帝  
 嚴刑元始符命時利升進積夜九都太冥弱  
 淵一切魔夷寒露苦魂火鍊陰塞焚蕩百關  
 凶森滅種連制鄧山玉宸大道變體生仙  
 鍊身度劫劫無傾隨光引氣神池吐煙與道  
 同生壽逾億年永度七傷八難九厄步登天  
 門超凌三境鳳臺高軒道進上清上清之天

天帝元真妙空之境梵行

東方九天	帝玉真上華
玉宸梵逸天	帝大武洞尤
紀樂元須天	帝鬱禮波田
抱素冲寂天	帝樂化自生
上化重空天	帝遠扶仙
九光空素天	帝洞日芝玄
朱極靜修天	帝子華瑤英
曲照含離天	帝赤珠咸和
崇仁德修天	帝殊冥梵康
龍胎曜華天	
南方九天	
粹華無鎮天	帝耀殿六遊
道辯冲容天	帝玉羅仲神
濯廣滋元天	帝明豫靜道
炎景耀明天	帝無色嬰
福應極真天	帝慮文次嵩
玉死法持天	帝德夷和
定名紫元天	帝黃文臺父
上極思真天	帝十華高聰

正一天師清微弟子洪百堅製作

西方九天	帝彰德用光
太元空闕九韻天	帝耀日程家
丹回綠鎖天	帝芝元洞生
覺源赤玉天	帝回考明宗
素明慶奉天	帝赤公伯文
皇籍度生天	帝長景羅
境陽浩稱天	帝玉神元竟
芒忽變由天	帝江生暮空
九疇質陽天	帝歷勳成
蓋車青極天	帝摩多容
北方九天	
中極太素天	帝理淵躬
太上廣化天	帝醜邵九難
白魂英逸天	帝波帝呵都
惠明招濟天	帝洪泰蕩真
都臉元陽天	帝恬江子明
亮極喜登靈天	帝冲範查虛
子定平元天	帝沙何耀明
易常究中天	帝玉臺靈

光空百宗天 帝越景王

三十六天三十六帝玉宸隱諱玉宸隱名天  
 中自然九空靈章上清隱道皇極之真洞虛  
 之尊太空之神玉京秘範大化之文變升之  
 格開度之靈九晶十明明掌降生玉宸大道  
 深不可詳豁落七真普度天人其道至重下  
 真匪聞身佩五斗頭建三辰飛神景齊和合  
 至真今日欣慶受慶歷開諸天刺名丹籍招  
 真命仙紫度炎光氣入太玄新絕五道夙負  
 威原三靈共舉玉帝同軒道成上清無拘天  
 門東斗肇形西斗運精北斗育質南斗降神  
 繞身纏絡太上千真金玉混光擲奔火鈴中  
 斗帝官攝告萬靈青帝授符白帝攝兵赤帝  
 執法黑帝典刑黃帝居中萬境保寧青天上  
 靈玉光次明赤天上靈寶燿圓成白天上靈  
 皓素虛明黑天上靈太乙千精黃天上靈伯  
 常子京五方玉宸三界同賓騰天倒地電激  
 雷奔周行十方下察者冥神帥統制億萬神  
 兵巡山索海旌佩紛紜變化太空神機乃分  
 敢有干前斬伐橫在玉宸降命驅湯不祥蒼

禽振羽長蚪列張黃神前銜赤帝持槍射火  
 無極大殺揚鞭八景清遼十華列言皆奉玉  
 宸自然至真玄符所告鑿天輔輪誅魔滅醜  
 火令無文萬萬千千敵絕杖魂天獸吐毒電  
 火噴雲速送三官檢捕無得有害正道追命  
 北君玉宸大道感徹帝華靈聖羽葆上朝玉  
 清

混劫帝曆精潛太明華芒修變九道開生洞  
 樓日月玄燿雙睛內徹泥丸赤文之庭琳條  
 結氣奔飛火鈴左淨右雲三府澄清運用揮  
 擊威化天京左為金真右為玉光回翔八極  
 石景中房身登太霞位列仙王玉垣上妙道  
 所經常九丹太微絳闕瑤房洞空洞無洞陰  
 洞陽非相非名非短非長流輝瓊室仰餌玄  
 霜骨化赤金神度天梁上寶藥淵日池龍塘  
 太乙執綬玉女捧觴天老持符開化無疆普  
 授要言刻書青琅解脫九幽扶臄散煙鳳曆  
 赤書龍章隱篇密布五氣度人億千據衡捍  
 魁功歸上玄大輪運轉三十六天上通神宮  
 九帝真軒司馬注書太史保延過度日月合

官慈蓮施政薦音大化綿綿包羅六虛陽景  
 交疊十過九周氣合三元元中太壇碧霄飛  
 裙七真御合上景靈華玄中至陰紫闕大神  
 神居玄丹絳臺生根雌一玉檢黃道生煙無  
 量度人大洞青編遊體玉華攝命帝仙風為  
 火偶出沒無間梵誦激氣天聲舞玄紫雲合  
 蔭白素回旋玉宸浮蓋校籍萬仙一合再合  
 自然至真液精五色太和入身身中之真泥  
 丸專神輔卿弼仙三元帝君守護玉關調養  
 生元玄一老子林夫太真白元藥珠紫元鍊  
 精明堂三暉玉宸度人移化就變萬氣高分  
 太清太極冥空上靈歸衣星裾龍袍虎文攝  
 氣保命億聖同倫茫茫至化妙立無垠上遊  
 上滑出入太微八景之內大有之機下鎮人  
 身蒼碧丹池中合五氣服御晨暉左顧右盼  
 七祖同飛仙貴長生道貴真真神得道無  
 量度人上開玄關四闕八門中有至精泥丸  
 夫人手攀神光身流紫雲玉宸至重道非速  
 神明得真真氣合生上清靈章列奏諸天  
 諸天致神命子知真三元之上各有生門中

1000000000

有飛神化氣之章仙王王章辭來高真

第一下元王宸大道碧空仙王之音

雲光冲融 霄風八通 綠輿朝旌

命駕神龍 玄海澄碧 朱旗攝魔

九天齊威 振蕩百邪 是我泥丸

靈光飛霞 流煙八道 蒼晶玉羅

紫晨道成 灌氣三華 无量度人

書功帝君 元始符告 天策紀名

超離幽壤 飛度朱陵 帝庭蕭飭

化鍊形現

第二中元王宸大道紫洞仙王之章

暉暉紫微 眇莽八維 化形御玄

周囑靈園 天河灌津 杓昂魁低

玉璫繁明 大珠小璣 群星搖光

隨指帝旗 安座紫宸 流金四暉

朱煙洞開 火精飄馳 中有老人

絳章雲表 升我玉京 下觀籌儀

徊風煽颯 合景希夷 日童混珠

照映中規 騰輝億境 二氣合離

道秘玉真 厥諱淵池 手執長戟

腰帶瓊纒 左權右衡 丹蛇玄龜

賜我度人 上清同躋

第三上元王宸大道太虛仙王歌曰

吐氣成龍 噓氣生風 嚴我神駕

踏景飛空 日月運轉 交會無窮

不見我神 神與虛通 子問大道

道何形容 殊不能知 泥丸洞樓

神蓋射蒼 正化興隆 養鍊爾神

鬱秀雙童 流鈴擲火 朱光九重

周行八極 天運剛淵 錄陰滅祿

侍宸玉垣 此道玄妙 洪福綿綿

此三空之上三元宮中王宸仙王度人之音

音參洞章誦之百編名書上清誦之千編三

元降庭萬編道備飛升上清治按三元萬神

禮庭有聞靈音仙王保真初制三界指策于

靈永滅地官五司考神出入無難里社送迎

九祖鍊化魂魄起升是謂王宸道成至真度

人无量太極簡名有松上清文諸天共所崇

泄慢沈幽牢永謝太極前

道言此王宸洞章皆諸天上帝及三元仙王

隱秘之音皆是大梵之言非世之常辭其言

混洞其文天成故於秘妙不可思詳上清所

寶秘於玄都紫微上官像玄科四萬劫一傳

若有至人齋金寶質心依王宸付授之格告

盟九帝然後而傳焉

道言二儀運行亦有終起七政九宮亦有災

次至真道士亦有隱顯未學之夫亦有疾傷

凡有此災同氣皆當齊心修齋六時行香十

福轉經以王宸大道秘重之力天回地轉神

安鬼息福德立降消諸不祥王宸洞文普度

無窮

道言夫末學道淺或仙品未充或知行王宸

未悉道要不悟自然以心為託墮於有數運

應滅度身經太陰臨過之時同學至人為其

行香誦經十過以度屍形如法則神宮鎮密

泥丸堅固流鈴內煥王宸涵光屍鍊魄滅魂

神上升隨其學功計日而得更生陽火入身

還其朽形靈肉布體忽然更生轉輪不惑位

登高仙

道言辰申教極劫窮運否亦當修齋行香誦

經黃赤改度動能凌犯亦當修齋行香誦經  
 時令勝鬱支干不和亦當修齋行香誦經國  
 境水旱兵戈四興亦當修齋行香誦經疫癘  
 流行鬼神害傷亦當修齋行香誦經師友命  
 過亦當修齋行香誦經夫齋戒誦經功德甚  
 重上消天災下消人禍保延帝王億載之壽  
 安寧國家以度兆民生死受賴其福難勝故  
 曰無量普度天人

道言凡有是經能為天地帝主兆民行是功  
 德告禮玉宸元皇至真有賴之日發心修齋  
 燒香誦經十過皆上清記名萬神侍衛右別  
 至人得為聖君長生大帝玉府之臣諸天注  
 其道功表著玉宸疏功錄過不失毫分三元  
 仙王亦保舉爾身得道者乃當洞明至言也  
 上清天中玉宸大道隱語靈音 道君撰  
 元始玉章首篇

東方八天  
 梵无眇虛 王會婁京 玉明帝剛  
 華達宛須 明落智閑 昧狐成圖  
 栢大除極 涓閻茂禹 馨動煩宛

擬定玄謨 卓景浩澄 玉目高蘇  
 圭華驅邪 辨流瓊瑀 文殿正利  
 猛部貞都 月津凝輝 光神洞珠  
 南方八天  
 京尉差會 紫律兼余 注極爛炎

招來牛堅 猛火極回 素道懷然  
 古真元仲 氣淵龍索 剛嚴鶴益  
 駕聿乘容 乾知挺格 冥治呼玄  
 玉羅京孺 郡關度軒 九命沙摩  
 綠鍾錄連 升行周度 秦廣交纏

西方八天  
 斗胃亢泰 紫流衍虛 擎河赤蹊  
 轉上聞于 無極耽爛 歷塊扶羅  
 天旌皓精 眇神煥都 帝歷卯室  
 真丙西徂 懋覺月印 池澄求孚  
 道希采利 正質滋延 憑通溟海  
 淵力徒虛 鑿淨極越 四洞蘭儲  
 北方八天  
 稼元索靈 聽孤自幾 遲函日記  
 丘華綸維 火爽颺舉 馳兆圓時

命籍綠荆 秀符健籍 陀諸院育  
 慶舒景靡 一式玉垣 依術罔希  
 冥侍句尾 臻重寶持 考度清靈  
 雲銜紫移 風禁寂傳 太玄竟奇  
 道言此上清天中玉宸大道君之隱文玉帝

所祕无量之音舊文書太空華蓋紫微垣上  
 境綠字蟠屈廣長一文天真皇人昔書其文  
 以正天音有知其音能齋而誦之者上清諸  
 天皆遣三元仙王玉宸萬真下鑒子身書其  
 功勤上奏諸天四司凜節九官拜迎心未通  
 悟但誦其文仙王保任飛昇玉京遊宴洞陽  
 高奏紫庭此音玉宸大道之章無所不感無  
 所不明無所不鎮無所不營三元用之無所  
 不神天真上帝自然至真之音也故誦之則  
 八素合景神光映形泥丸之中森列萬神玄  
 真大君告子以妙道也日誦此經耳聰目明  
 髮毀更生自然契玄金真玉光徧繞爾身神  
 宮振暢萬氣歸真千聖降靈道海明清无極  
 開濟大量玄玄也  
 元始无量度人上品妙經卷之二